

**Y Pwyllgor Plant, Pobl Ifanc  
ac Addysg**

—  
**Children, Young People  
and Education Committee**

**Senedd Cymru**

Bae Caerdydd, Caerdydd, CF99 1SN  
SeneddPlant@senedd.cymru  
Senedd.cymru/SeneddPlant  
0300 200 6565

—  
**Senedd Cymru**

Cardiff Bay, Cardiff, CF99 1SN  
SeneddChildren@senedd.wales  
senedd.wales/SeneddChildren  
0300 200 6565

Elin Jones AS  
Llywydd

Dyddiad: 16 Tachwedd 2021

Pwnc: Hyfforddiant diogelu

Annwyl Elin,

Mae'n ymddangos yn briodol ysgrifennu atoch yr wythnos hon, yn ystod yr Wythnos Genedlaethol Diogelu, i rannu ein profiadau o hyfforddiant diogelu. Yn ddiweddar, gwnaethom gwblhau'r cwrs cyflwyniad dwy ran i Ddiogelu ac Amddiffyn Plant yng Nghymru a ddarparwyd gan yr NSPCC. Roedd y penderfyniad i wneud yr hyfforddiant hwn yn un o'r rhai cyntaf a wnaethom fel Pwyllgor. Roeddem yn credu ei bod yn bwysig ar lefel ymarferol, i'n helpu i wybod beth y dylem ei wneud pe baem ni'n dod ar draws unrhyw bryderon diogelu yn ystod gwaith ein Pwyllgor; a hefyd fel datganiad o ba mor bwysig a hanfodol yw diogelu yn ein barn ni i unrhyw un sy'n dod i gyswllt â phlant a phobl ifanc.

Roedd yr hyfforddiant yn ardderchog; ac roedd hyd yn oed yr Aelodau hynny a oedd wedi cwblhau hyfforddiant diogelu o'r blaen yn teimlo ei fod yn ddefnyddiol yng nghyd-destun eu rôl fel AS. Yn ôl a deallwn, nid oes unrhyw ffordd o wneud hyfforddiant yn orfodol i bob AS. Fodd bynnag, hoffem annog ein holl gydweithwyr i fanteisio ar y cyfle i ymgymryd â hyfforddiant diogelu. Rydym hefyd yn cyhoeddi datganiad (amgaeedig) i'r perwyl hwn.

Rydym yn ymwybodol bod hyfforddiant diogelu yn cael ei ddarparu gan amrywiaeth o wahanol ddarparwyr yng Nghymru, ac y gall y tîm Dysgu ac Ymgysylltu ag Aelodau yn y Senedd gefnogi naill ai AS unigol neu grwpiau o ASau i ymgymryd â'r hyfforddiant. Rydym yn deall bod y tîm hwn, fel rhan o'r Wythnos Genedlaethol Diogelu, yn codi ymwybyddiaeth o'r cyfleoedd i ddysgu mwy am ddiogelu.



Rwy'n anfon copi o'r llythyr hwn at arweinwyr y pleidiau, a Jane Dodds AS. Rydym yn gwybod y gall arweinwyr y pleidiau chwarae rhan bwysig wrth annog aelodau o'u grwpiau i ymgymryd â hyfforddiant o'r fath.

Yn gywir,



Jayne Bryant AS  
Cadeirydd

Copi at:

Mark Drakeford AS

Paul Davies AS

Adam Price AS

Jane Dodds AS

Manon Antoniazzi, Prif Weithredwr

Croesewir gohebiaeth yn y Gymraeg a'r Saesneg.

We welcome correspondence in both English and Welsh

## Pwysigrwydd hyfforddiant a gwybodaeth Diogelu

16 Tachwedd 2021

### **Pwysigrwydd hyfforddiant a gwybodaeth Diogelu**

Yn ystod yr Wythnos Genedlaethol Diogelu (15-19 Tachwedd 2021), rydym yn galw ar ein cyd-Aelodau o'r Senedd i fanteisio ar gyfleoedd i ymgymryd â hyfforddiant diogelu.

Fel Pwyllgor, un o'r penderfyniadau cyntaf a wnaethom oedd cwblhau cwrs cyflwyniad i Ddiogelu ac Amddiffyn Plant yng Nghymru. Fe wnaethom flaenoriaethu hyn oherwydd roeddem am sicrhau, yn ystod ein gwaith Pwyllgor, neu yn ein gwaith ehangach fel Aelodau unigol, bod gennym y wybodaeth a'r hyder i gymryd y camau cywir, pe byddem yn wynebu pryderon o ran diogelu.

Cwblhaodd holl Aelodau'r Pwyllgor yr hyfforddiant hwn. Roedd yn hynod ddefnyddiol ac addysgiadol i bob un ohonom. Er bod rhai ohonom wedi cwblhau hyfforddiant diogelu mewn rolau blaenorol, roedd gwneud hyfforddiant a oedd yn edrych ar y cyd-destun penodol, sydd yn aml yn unigryw, o sut y gallai materion diogelu godi yn ein rolau fel AS yn bwysig. Mae gan wleidyddion etholedig fel ni rôl unigryw sydd yn freintiedig yn aml yn y gymdeithas. Rydym yn dod i gyswllt â llawer o blant a phobl ifanc, a dylem i gyd fod â'r wybodaeth i wybod beth i'w wneud os oes gennym bryderon o ran diogelu yn ystod y cyswllt hwnnw.

Rydym bellach yn teimlo'n fwy parod i wneud hyn, a byddem yn annog ein holl gyd-Aelodau i chwilio am gyfleoedd hyfforddi o'r fath.

### **Y Pwyllgor Plant, Pobl Ifanc ac Addysg.**

Jayne Bryant AS (Cadeirydd)

James Evans AS

Siân Gwenllian AS

Laura Anne Jones AS

Ken Skates AS

Buffy Williams